

## Bashkëjetesa ekonomi-arsim e domosdoshme

Anita Kadriu | 27-05-2011 10:43 CET

Like

Nxjerrja e kuadrove të Universitetit të Prishtinës (UP) në përputhje me kërkesat e ekonomisë së vendit, do të jetë prioriteti i përkrahjes ndërkombëtare dhe përkushtimit vendor për periudhën e ardhshme trevjeçare.

Për të zbatuar këtë strategji, UP, universitetet ndërkombëtare partnere dhe Komisioni Evropian, të enjten kanë bërë promovimin e projektit "Kompetenca në UP (CUP)", i cili financohet nga KE përmes programit TEMPUS.

Ky projekt, sipas përfaqësuesve të UP-së, KE-së dhe universiteteve partnere, synon përmirësimin e lidhjes ndërmjet kompetencave (shkathësive) të zhvilluara nga institucioni i arsimit të lartë dhe kërkesat e tregut të punës.

Themelimi i Qendrës së Kompetencës dhe Observimit (COC), instalimi i sistemeve të Këshillimit të studentëve në 32 lokacione strategjike të UP-së, kryerja e analizave të diturisë të bazuar në dy pilot-programe të studimeve që të shërbejnë më vonë si shembuj për këtë praktikë etj., janë paraparë si objektiva kryesore të këtij projekti.

Rektori i Universitetit të Prishtinës (UP), Mujë Rugova, ka thënë se një ndër sfidat më të rëndësishme që përballet shoqëria kosovare është reformimi i UP-së në përputhje me nevojat e tij, procesin e Bolonjës dhe zhvillimin në arsimin e lartë. "Katalogu i zhvilluar i kompetencës dhe sistemi i informimit do ta bëjnë edukimin në universitet më transparent dhe ta lehtësojë qasjen në të. Do ta lidhë fushën e punës me arsimin nëpërmjet Tempus-projektit dhe do ta përkrahë zhvillimin e mësimin gjatë gjithë jetës".

Ndërkaq, koordinatori i këtij projekti në UP, prorektori për marrëdhënie ndërkombëtare Naser Mrasori, ka përmendur se pikat kryesore në të cilat mbështetet UP për të arritur ndërkombëtarizimin është integrimi i Kosovës në hapësirën e Unionit Evropian, harmonizimi i programeve sipas Bolonjës, implementimi i krediteve, pjesëmarrja në konferencën ndërkombëtare, mobiliteti i studentëve dhe stafit akademik, mësimi në distancë... Ai ka thënë se UP tani ka realizuar 145 marrëveshje me universitete ndërkombëtare.

Kurse drejtori i organizatës për ndihmë arsimin "Wus Austria", But Dedaj, ka thënë se çdo ditë e më shumë universitetet po kërkojnë forma sesi të shesin produktet e veta si dhe me çfarë dije t'i brumosin kuadrot e veta që të kenë hapësirë dhe sukses në treg. Ai ka bërë me dije se fondet për universitetet publike janë duke u zvogëluar nga qeveritë e shumta vendore dhe universitetet po sfidohen që të krijojnë fonde vetë.

Si fakultete pilote të këtij projekti janë përzgjedhur Fakulteti Ekonomik, Fakulteti i Bujqësisë dhe Veterinarisë si dhe Fakulteti i Arkitekturës, kurrikulet e të cilave do të shikohen dhe vlerësohen nëse janë të përshtatura apo jo me tregun e punës. Është paralajmëruar që çdo fakultet të ketë qendra të kompetencës.

Metodologjia e krijuar brenda këtij projekti do të bazohet në transferimin e njohurive nga universitetet partnere të BE dhe të adaptuar në bazë të kërkesave vendore. Qendra COC gjithashtu do të observojë dhe monitorojë zhvillimet kombëtare dhe evropiane në fushat respektive.

UP ka gjithsej 48.732 studentë, prej tyre në bachelor studiojnë 38.533 studentë, në master 10.047 dhe në doktoratë 152 studentë. Në promovim kanë marrë pjesë edhe përfaqësues të Universitetit grant mbajtës të projektit nga Graci.



### NGA RUBRIKA

- » Serbia nuk do t'i njohë vlat e Republikës së Kosovës
- » Westerelle: Statusi i dhe kufijtë, çështje të mbyllura
- » Për një të ardhme të fuqishme
- » Shumë prizrenas heqin dorë nga shtetësia e Kosovës
- » Autostrada e parë vetëm në hartë

Të fundit | Më të rekomanduara +

- » Serbia nuk do t'i njohë vlat e Republikës së Kosovës
- » Westerelle: Statusi i dhe kufijtë, çështje të mbyllura
- » Për një të ardhme të fuqishme
- » Shumë prizrenas heqin dorë nga shtetësia e Kosovës
- » Autostrada e parë vetëm në hartë
- » Riatdhesimi i dhimbshëm
- » Buhler i përgjigjet Brigitte Bardot
- » EULEX, pajiset me 6 autobllinda
- » Vlasi: Ndarja nuk është opion real
- » Lunacek: S'mjafton Mlladiqi për BE
- » Konsullatat, nga 1 qershori lëshojnë dokumente personale
- » Vija e kuqe, nuk diskutohet!
- » Rugovasi për Qeverinë: Pa ne mos flitni për kufirin
- » Shqipja në Beograd
- » Ivanović kërcënon!

Lajmet e ditës

### OPINIONE



Dalja e LDK-së nga hija  
Adrian Çollaku

Revolucioni i papërfunduar i  
Egjyptit  
Qemajl Morina

Nga Ditari: Kadare!  
Beqë Cufaj

Gjërat pa të cilat (s)mund të jetonil (4)	Turpi i "Marigonës" (55)	Mbi 80% e popullatës janë proserbë* (46)
---	--------------------------	--